

ՄԱՐԳԻՍ ՄԽԻԹԱՐՅԱՆ

Բանասիրական գիտությունների թեկնածու

ԳՐԻԳՈՐ ՄԱՐԳԻՍՏՐՈՍԻ «ՅԱՂԱԳՍ ԽԱՉԱՆՇԱՆ ԳԱԲԱԶԱՆԻՆ, ԶՈՐ ԸՆԾԱՅԵԱՅ ՏԵԱՌՆ ՊԵՏՐՈՍԻ ՆԱՅՈՑ ԿԱԹՈՂԻԿՈՍԻ» ԶԱՓԱԾՈ ԹՈՒՂԹԸ

Ամենատարբեր աոթներով խոսվել է այն մասին, որ Գրիգոր Մագիստրոսը (990-1058) մեզանում այն հեղինակն է, ով առաջինն ստեղծեց թղթոց ժողովածու¹ և ամենաառաջինը շրջանառեց չափածո թուղթը²: Դրանցից մեկը (թիվ Թ-Ա (9-րդ) մվիրված է խաչանշան գավազանի փառաբանությանը և ուղղված է Պետրոս Գետադարձին (1019-1058): Հետազոտողներն ուշադրություն են դարձրել այդ երկի միայն տեսական մասի վրա³, ուր բանաստեղծը քննում է տաղաչափական խնդիրներ⁴: Հուզականությամբ այն առանձնապես աչքի չի ընկնում: Բայց հեղինակն իր առջև այդպիսի խնդիր չի էլ դնում, այլ խոսում է իր մվեր-գավազանի մասին, մի բան, որ միջնադարյան մամականագրական ավանդույթում տարածված էր:

Գավազանի գործառնական, խորհրդապաշտական մշանակությունն աշխարհայացքային արժեք ունի: Նրա գործածությունը հին է, քանզի այն իշխանության, դիրքի և հեղինակության բազմադարյան մշանակն է⁵: Նախկին թագավորական տներում ընդունված էր գավազան կրելը: Նույնքան հին են կրոնական գավազանների կիրառությունները, որոնք իրենց հերթին խորհրդանշում են հոգևոր իշխանությունը, հովվական ազդեցությունը սեփական հոտի վրա: Մովսեսը փարավոնին մերկայացնում է աստվածային գավազանը, ինչն իր իշխանության և իրավունքի արտահայտությունն էր և խորհրդանշում էր, որ արդեն ինքն է իր ժողովրդի գլուխը:

Հայոց Առաքելական Եկեղեցին գավազան է շնորհել ոչ միայն կաթողիկոսներին ու թեմակալ առաջնորդներին⁶, այլև վարդապետներին⁷:

Գավազանի գործածության մի ուրույն ոլորտ են մերկայացնում մանուկ-կտրիճների եղբայրությունները, ուր մանկտավազներին «իշխանություն» էր շնորհվում: Այս ամենի յուրատեսակ արձագանքները գտնում ենք ժողովրդական հարսանյաց ծեսում: Հայաստանի

¹ Տե՛ս Մ. Արեղյան, Երկեր, հ. Դ, Ե., 1970, էջ 39-45., Ա. Ալեքսանյան, Հայ միջնադարյան մամակը (4-14-րդ դդ.), Ե., 1997, էջ 164-202:

² Տե՛ս Ս. Մխիթարյան, Գր. Մագիստրոսի կյանքը և գեղարվեստական ժառանգությունը, Ե., 2001, էջ 96-100:

³ Տե՛ս Հր. Թամրազյան, Հայ քննադատություն, հ. Բ, Ե., 1985, էջ 201-202:

⁴ Տե՛ս Գրիգոր Մագիստրոսի Թղթերը, Ալեքսանդրոպոլ, 1910, էջ 33-34: Այսուհետև՝ Թղթեր:

⁵ Տե՛ս Տ. Եարտըմեան, «Վարդապետը» հայ եկեղեցական մտածողության մեջ, Վենետիկ, 2001, էջ 73-76:

⁶ Տե՛ս Մաղաքիա արքեպս. Օրմանյան, Միսական քառարան, Ե., 1991, էջ 63-65:

⁷ Տե՛ս Տ. Եարտըմեան, Ռիշյալ աշխատ., էջ 75:

տարբեր վայրերում (Վասպուրական, Ախալցխա, Ախալքալաք և այլն) մինչև 20-րդ դ. սկիզբը «թագավորին» (փեսային) պաշտպանող մակարապետը «գնում» էր այն մականը, որով կառավարում էր մակարներին (կտրիճ-մանուկներին)⁸: «Թագադրցիները» (փեսայի կողմնակիցները) պարտավոր էին ենթարկվել նրան՝ պաշտպանելու ամուսնական զույգին, ինչպես իրական, այնպես էլ երևակայական վտանգներից:

Որպես կանոն՝ գավազանները պատրաստվում էին փայտից, ոսկորից կամ մետաղից (վերջին շրջանում նաև ապակույց): Կաթողիկոսականը կորագլուխ էր՝ հարցականաձև թեքվածքով (օձ կամ ճյուղ): «Հայ հոռոմները» գործածում էին գնդաձև՝ վրան խաչ, ինչը հայկական Կիլիկիո Աթոռի ավանդույթն էր⁹: Վարդապետականը երկթև էր՝ զույգ օձերի գլուխներով (շատ քիչ հանդիպում է նաև չորսը): Երկու թևերը խորհրդանշում են հոգևոր և աշխարհիկ իշխանությունները նաև՝ իմաստասիրությունը և խոհեմությունը: Գավազանների վրա օձի խորհրդանիշը մի կողմից կապվում է աստվածաշնչյան ավանդույթի, մյուս կողմից՝ տոտեմիստական պատկերացումների հետ:

Գավազանն առաքելու և մամակի գրության մոտավոր թվականը պետք է լինի հավանաբար 1047-ից հետո, երբ Պետրոս Գետադարձ Կաթողիկոսը ևս Գագիկ 2-րդի պես բյուզանդական արքունիքում պահվեց որպես պատանդ (1047-1051): Այդպես էլ նրան հետագայում չյուլյատրվեց լինել Հայաստանում¹⁰: Հավանաբար իշխանը ցանկանում է սփռիչ վշտահար կաթողիկոսին: Սա նաև իր մեղքերը նրա առջև քավելու մի յուրատեսակ ձև է, քանզի Հովհաննես արքայի հրամանով ինքը Բջնիում 1038 թ. ձերբակալում և պատվավոր կալանքի տակ 1,5 տարի պահում է նրան: Այդ տխուր միջադեպն ավարտվում է երկու իմաստասերների մտերմությամբ և հետագա բարեկամությամբ¹¹: Թղթում Գր. Մագիստրոսը (990-1058) խոսում է Գետադարձին (կթղ. 1019-1058) կաթողիկոսական գավազան նվիրելու մասին: Ընդունված էր մամակում այդ մասին մեղ, և առաքողները սիրում էին (հետևելով ընդունված կանոնին) գովաբանել դա¹²: Բանաստեղծությունը սկսվում է այսպես.

Ընծայեմ քեզ տարեկան մորոյս հասեալ ձեզ բարութեան,
Պսակս քաղցրութեան ամիս եկեալ պարառութեան,
Ցուպ մեցուկ և գաւազան մական տունեալ հաստատութեան,
Մոյթ յեցուկ մակագրական բոլոր յամէն ժառանգութեան¹³:

Բանաստեղծը Տեր Պետրոսի մականը համեմատում է Մովսեսի գավազանի հետ, քանզի նա իր իշխանությունը տարածեց նաև ծովի (կյանքի) վրա: Դա էր, որ վերագրեց

⁸ Տեն Վ. Բողոյան, Հայ ազգագրություն, Ե., 1973, էջ 148:

⁹ Տեն Մ. Օրմանյան, Միսակաճ բառարան, Ե., 1991, էջ 64:

¹⁰ Տեն Թղթեր, էջ 32:

¹¹ Տեն Գ. Կոստանյան, Տեր Պետրոս Ա. Գետադարձ, Վաղարշապատ, 1897, էջ 16:

¹² Տեն Ա. Ալեքսանյան, Հայ միջնադարյան մամակը, էջ 183:

¹³ Թղթեր, էջ 31:

«անդրանկածախ» մեռելությունը և վիշապների կախարդությունը: Այն դարձավ եգիպտական ծառայությունից ազատվելու խորհրդանիշը:

Ոչ մոճին այժմ Եսթեմեայն, այլ սա ծաղկեալն անարոմեան,
 Ոչ սա ոստ դոմպիական, այլ փոխադրող ջրոյն դառնութեան,
 Ոչ այս տունկ է ձիթեմոյ, այլ հովուական ձեզ պետութեան,
 Ոչ կապեալ յոստ հերակլեան, այլ գայիսոն զօրեղութեան:
 Ոչ ճիզակին տունկ ձիթեմոյ, այլ մակագրեալ քառաթեւեան.
 Ոչ գործարան մահուն մահու, այլ ի մահու կենդանութեան¹⁴:

Սա նախկին գավազանը չէ, այլ զորեղության, հովվապետության գրավականը: Ողնափայտը պատրաստված է այն մույն ծառից, որից էր Քայուաթեսի (Նոյի) նավը: Սա ևս ժառանգականության շղթայի մեջ է դիտված: Բանաստեղծության մեջ ոչ միայն տրվում է հրեաների՝ եգիպտական գերությունից փրկվելու և վերապրելու գեղարվեստական նկարագրությունը, այլև ներկայացվում է աշխարհաստեղծման գաղափարի խորհրդանշական պատկերը՝ ծով, ջրերի նահանջ, մահվան վերացում, եգիպտական գերությունից փրկություն՝ գավազանի շնորհիվ, որ «Ձողաբաղձ նշանակեալ՝ օրինակեալն տէրութեան» (այստեղ նորահայտ տերությունը գոյավորված նյութական աշխարհի խորհրդանիշն է): Բոլոր դեպքերում գավազանն արարչական-հրաշագործ հատկանիշներով է օժտված: Կալմիկների հնագույն գրույցներում դրա շնորհիվ են աստվածները օվկիանոսից ստեղծում Արևը, Լուսինը և աստղերը¹⁵: Այն միաժամանակ համաշխարհային կենտրոնի, հետևաբար երեք աշխարհների՝ սանդարամետի, երկրի, երկնքի միավորման խորհրդանիշն է: Այդ պատճառով էլ նկարագրված են կենաց ծառի (իմջի փայտից պատրաստված է գավազանը) արմատները, բունը և ցողունը՝ դալար ոստերով ու ծաղկած:

Ոչ դաբնի դա սարդեմեան, այլ յարմատոց մեզ սաբեկեան,
 Ոչ կաղնին արամագդեան, այլ Մամբրէին աբրահամեան,
 Ոչ մոճին այժմ Եսթեմիայն, այլ սա ծաղկեալն անարոմեան¹⁶:

Այդ երեք աշխարհների սիմվոլիկան պահպանված է նաև մականի կառուցվածքի մեջ. այն պատրաստված է երեք կտորից¹⁷:

Հաղթահարվել են ջրհեղեղյան ջրերը, իսկ գավազանն իրենց առաջնորդում է ուղիղ ճանապարհով (դեպի խաչը և դեպի փրկությունը): Մարդկության երկրորդ սկզբնավորումը նշանավորվում է նրա լուսափայլությամբ, հովանի դառնալով հոտի վրա: Այս սկիզբը մեկնաբանելով ըստ Աստվածաշնչի և կապելով Նոյ-Քայուաթեսի անվան հետ՝ կրկին անդրադառնում է արարչագործության թեմային՝ այս անգամ, սակայն, ըստ յունգյան

¹⁴ Նոյն տեղը, էջ 32:

¹⁵ Տե՛ս М. Эпшад, Космос и история, М., 1987, с. 152.

¹⁶ Թղթեր, էջ 32:

¹⁷ Տե՛ս Մ. Օրմանյան, Ծիսական քառարան, Ե., 1991, էջ 63:

պատկերացման: Բանն այն է, որ ջուր (ջրհեղեղ) և մալ խորհրդանշներն իրենց խորքում կրկին կապվում են աշխարհաստեղծման արքետիպի հետ¹⁸: Այս դեպքում գտնվում են նոր հանգրվաններ (մախ՝ մալը, հետո՝ սուրբ Արարատը՝ որպես երկրային հանգրվան): Տեղ Պետրոսն իր գործառնությունը բանաստեղծության մեջ մոտենում է Նոյի կերպարին՝ դառնալով նոր Նոյ, քանզի նրա ձեռքում է խաչանշան գավազանը՝ պատրաստված տապանի ողմափայտից: Նոր Նոյ Պետրոսը «Հօտիս հովանացեալ» կարող է բացել երկնային արքայության դռներն իրենց՝ մահկանացուների առջև: Բայց այս անգամ մա հոգիները մահվանից կփրկի՝ Տիրոջ առաջ միջնորդելով ու բարեխոսելով: Այսպես.

Ջայդ առեալ ի ձեռս յիշեա՛ր զիս արծանի ողորմութեան,
Յամարիւմ զեմման մեծի սարսափելի գործառնութեան¹⁹:

Պետրոսը թող վայելի աստվածային իշխանությունը, քանզի մա է վեմը, այծերի և ոչ-խարաների հոտերը բաժանողը, չարն ու բարին զատողը: Հրաշագործ գավազանով ջրերը խաղաղեցնելն ակամա հուշում է այն կապը, որ կա «Գետարգել Սուրբ Նշանի պատմություն»-ը երկի²⁰ և այս բանաստեղծության միջև:

Նահանջօղ գետոց յարիւմ անդրանկածախ մեռելութեան,
Խափանիչդ վիշապաց կիսոյ ճմայից կախարդութեան,
Պատառիչ ջուրցն մածեալ դիզան ալեացն թանձրութեան²¹:

Հրաշագործությունը կատարվում է Քրիստոսի խաչափայտի մասունքով (այն ևս խաչի ձև ունի ստեղծագործության մեջ)²²: Պետրոսին Գր. Մագիստրոսն ընկալում է իբրև Աստծո ընտրյալի, իսկ պարականոնը կարծես հաստատում է, որ հենց այդ պատճառով են խաչափայտի մասունքները հայտնվում նրա մոտ, և մա կատարում է գետարգելության հրաշքը:

Խնդրում է, որ թույլ տա իրեն նրա սիրելի որդին լինել, իսկ Երկրորդ Գալստյան ժամանակ գավազանը ձեռքն առնելիս հիշի և բարեխոսի իր անձի համար: Երկարակեցություն է ցանկանում և հաստատություն «յաթոռդ սրբութեան»:

Եւ զբաժակդ մանուածոյ ճախարակեալ մակացութեան
Ի մատունդ աստուածային աջոյդ առեալ քեզ օրհնութեան,
Եւ զանօթ իւղոյն սրբոյ կարծրագունի պահպանութեան,
Լուսափայլ որակութեան հաղորդաբար կցորդութեան²³:

¹⁸ Տե՛ս *Карл Густав Юнг*, *Душа и миф*, М., 1997, с. 323.

¹⁹ Թղթեր, էջ 32:

²⁰ Տե՛ս Երևանի Մ. Մաշտոցի անվ. Մատենադարանի ձեռ. 995, էջ 425ա-453ա:

²¹ Թղթեր, էջ 32:

²² Մ. Ուռփայեցի, Ժամանակագրություն, Ե., 1991, էջ 56-57:

²³ Թղթեր, էջ 32-33:

Դատաստանի օրը կատարվում է անարյուն զոհաբերության հանդեպ: Այդ ժամանակ թող Տեր Պետրոսը ձեռքն առնի իր նվերները՝ գավազանը (որի նշանակության մասին խոսվեց վերևում), «զբաժակդ մանուածոյ» և «զանօթ իւղոյն սրբոյ»: Այստեղ գավազանը մահը վերացնելու և դժոխքը կործանելու, գործվածքով նախշված բաժակը (թելերով հանդերձ)՝ ժամանակի և արարչագործության, իսկ յուղը՝ օծման, միաժամանակ մահվան և վերածնության խորհրդանիշերն են:

Փաստորեն բանաստեղծը պատկերում է այն քրիստոնեական սրբությունները, որոնք կյանքի շարունակականության ներքին խորհուրդ ունեն: Կրկին վերաբծարծվում են մահվան ու վերածնության խորհրդանշական գաղափարները: Մագիստրոսի և միջնադարյան քրիստոնյա մարդու պատկերացմամբ (այն կար նաև հին աշխարհում) մահվանը հետևում է նաև վերածնությունը, ինչի մասին գրում է Հին աշխարհի նշանավոր փիլիսոփա Պորփյուրը Իթակեի անձավի՝ որպես տիեզերքի սիմվոլի մասին խորհրդածելիս²⁴: Ակնհայտ է, որ բանաստեղծության քնարական հերոսը ձգտում է լուսավոր եզերքների և երկնային կյանքի:

Անդրադառնալով եղյակ և քառյակ արվեստներին, համադրելով դրանք թվերի այլութագրյալ տեսության հետ, ենթագիտակցորեն արտահայտելով տիեզերքն իր արական և իգական թվային արքետիպերով՝ Մագիստրոսը հավատարիմ է մնում նախորդ պատկերացումներին. «ի սարդենի մահակէ, պարտ գոյով երգել զհոմերական քերթութսն, այլ տաղ է հոմերական քաջ ոլորեալ. և սա տաղ դիցազնական չափաբերեալ ըստ Ելլենացւոցն: Իսկ ըստ Արաբացւոցն կշռեալ և բաղկացեալ է եռատասնեայ և երից քառից միոյ քուէի և շարամանեալ ամանակօք երկարացեալ քսան և չորից»²⁵:

Վերածնության գաղափարը ենթագիտակցորեն արտահայտվել է ահա նաև թվերի միջոցով: Դա հաստատում է, որ Գր. Մագիստրոսը տիրապետել է մոզական թվերի սիմվոլիկային՝ դրանով արտահայտելով վերածնության արքետիպը²⁶: Դարձյալ մտքի ու երևակայության բռնկում ու թռիչք, հունական, հրեական և արաբական մշակույթների նորովի ընկալում և անկաշկանդ մտածողություն: Աշխարհի վրա ճառագում է հոգևոր լույսը: Քրիստոսի շնորհիվ քառսից կյանքը գնում է դեպի կարգաբանված տիեզերք: Դրա համար էլ բանաստեղծը ավարտում է խոսքը խորհրդապաշտական-ծիսական բանաձևով:

Պարզվում է, որ իր երկը «ի թուականութենէ, և յերածշտականութենէ և յերկրաչափութենէ և յաստղաբաշխութենէ շարաբարձեալ յիմքեան ունի: Սակայն մեծի տեսութեան ունի պէտս»²⁷, քանզի եթե մեկը չի սովորել ճշմարանում, չի կարող այն հասկանալ: Բայց Տեր Պետրոսը վեր է այս ամենից, որովհետև տիրապետում է այն մեծ գիտությանը, որ կոչվում է աստվածագիտություն: Եվ մրա մասին կարող է ասել. դու, որ «ղամբարափայլ ջահավառութեամբ պայծառամաս, և լուսաւորես, որ քեզդ հետևին լուսափայլ շաւ-

²⁴ Стн Порфврий, О пещере пимф, А. А. Тахо – Годи, А. Ф. Лосев, Греческая культура в мифах, символах и терминах, С. П., 1999, с 578.

²⁵ Թղթեր, էջ 33:

²⁶ Стн К. Г. Юнг, Душа и миф, М., 1997, с. 323.

²⁷ Թղթեր, էջ 33-34:

դաց այլ իմէ յայտնի է, վասն զի ըստ սերովբէականն գերունակութեան մակալետական հեղումն ի ստորակալեալսն առ ի ծայրագոյն արփոյն փեռելի»²⁸: Բանաստեղծը ցույց է տալիս քրիստոնեւոյթեան հուսիսի և փրկութեան մերքին խորհուրդը:

Միաժամանակ ձևավորվում են ու ամբողջանում Մագիստրոսի գրական հայացքները: Դա առանձնապէս դրսևորվում է տաղաչափութեան վերաբերյալ նրա կարծիքներում: Իր մանկավարժական փորձի մեջ ճշգրտելով այդ ասպարեզում հայ և օտարազգի ստեղծամանկավարժական փորձի մեջ ճշգրտելով այն մեր գրականութեան մեջ՝ նա անում է գործողների ձեռքբերումները, օգտագործելով այն մեր գրականութեան մեջ՝ նա անում է լուրջ եզրահանգումներ և «պարզում է իր բանաստեղծութեան գաղտնիքները, բնույթը, ձևը, տաղաչափութիւնը, հանգնում ու վանկը»²⁹: Ցանկանում է դյուցազնական *քաջ ոլորյալ* տաղը ձևի հմտութեամբ հասցնել մանուկ ըմբերցողին, շարադրել հստակ, վճիտ, որպէսզի դա լինի կատարյալ խոհական սնունդ նրանց համար:

Գր. Մագիստրոսի չափածո երկերն ընդհանրապէս գալիս են մի կողմից շարունակելու մախորդ շրջանի բանաստեղծութեան ձեռքբերումները, մյուս կողմից՝ սկզբնավորելու մորը՝ վերջնականապէս ձևավորելով բանաստեղծութեան միջնադարյան կառուցը: «Յաղագս խաչանշան գաւազանիս...» չափածո երկը դարաշրջանի հետաքրքրական գեղարվեստական մոտիւզներից մեկն է, որով հեղինակը փորձ է անում թե՛ գործնականում, թե՛ տեսականորեն գրականութեան մեջ արմատավորել *հոներական տաղը* և սերունդներին կրթել ու դաստիարակել դրանով: Այն ուշագրավ է շատ առումներով³⁰ և կարող է հետազոտողներին հետաքրքիր փաստեր տրամադրել:

²⁸ Նույն տեղը:

²⁹ Հր. Թամրազյան, Հայ բանադատություն, Բ. Բ, էջ 198:

³⁰ Բանաստեղծութեան մեջ մկատելի է մի հանգամանք ևս. Գր. Մագիստրոսը Տեր Պետրոսին դիմում է «Ձեզ» հարգական ձևով, ինչը խոսում է այդ դիմելաձևի ընդունված լինելու և մասնակի գործածելիութեան փաստի մասին: